

Zeitschrift: Heimatkunde Wiggertal
Herausgeber: Heimatvereinigung Wiggertal
Band: 24 (1965)

Artikel: Die Verteilung der drei Felder in Gettnau im Jahre 1606
Autor: Zihlmann, Josef
DOI: <https://doi.org/10.5169/seals-718610>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 20.02.2026

ETH-Bibliothek Zürich, E-Periodica, <https://www.e-periodica.ch>

Die Verteilung der drei Felder in Gettnau im Jahre 1606

Josef Zihlmann, Gettnau

Gettnau, als kleine Gemeinde mit einfachen topographischen Verhältnissen, ist, wie kaum eine andere Gemeinde, geeignet für eine siedlungsgeschichtliche Untersuchung. Dies um so mehr, da uns ein gütiges Schicksal eine ganze Anzahl wertvoller Urkunden erhalten hat. Die Entwicklung kann in großen Etappen wie folgt festgehalten werden:

1. Die Zeit der Landnahme oder Gründung der Siedlung. Diese erfolgte jedenfalls vor der zweiten Hälfte des neunten Jahrhunderts. Aus dem Jahre 893 stammt die Eintragung in die Zinsrolle der Abtei Zürich: «de Kepinhowa Hartker sociique eius plenum».

Gettnau ist zweifellos eine Dorfsiedlung. Der Kern der Ursiedlung lässt sich ziemlich genau bestimmen. Außerhalb der Dorfsiedlung sind deutlich drei Einzelhofsiedlungen erkennbar: Stalden, Wannern und Ried. Die Bewirtschaftung erfolgte nach dem Dreifelder-System. Anhand des Zwing-Libells und verschiedener Pergament-Urkunden kennen wir die genauen Grenzen des Zwing, der drei Felder, der Allmenden und der Wälder, ebenso die Nutzungsrechte.

2. Die Zeit der Ansiedlung von Taunern auf Allmendland, unmittelbar außerhalb der Dorfsiedlung und der Zelgen.
3. Obrigkeitliche Bestätigung für den Einschlag der drei Felder und deren Uebergang in Privatbesitz der Zwinggenossen; Aufhebung des Brachrechts für die Tauner. Dies im Jahre 1606.
4. Verteilung der Allmenden und Wälder im Jahre 1805. Damit Liquidation der gemeinen Weide und der Waldnutzung.
5. Zeit der Neusiedlungen auf Allmendboden, erste Hälfte des 19. Jahrhunderts.
6. Erweiterung der Dorfsiedlung nach 1850.

Gegenstand unseres Aufsatzes ist der unter Ziffer 3 oben genannte «Einschlag» beziehungsweise der entsprechende «Bestätigungsbrief» von 1606. Es handelt sich dabei um eine verhältnismäßig gut erhaltene Pergament-Urkunde im Format 62x38 cm. Diese liegt im Archiv der Gemeinde Gettnau.

Die Urkunde von 1606 bedeutet für Gettnau das formelle Ende der reinen Dreifelderwirtschaft; formell deshalb, weil der materielle Uebergang der drei Zelgen von der gemeinsamen Nutzung in den Privatbesitz sich zu dieser Zeit bereits vollzogen hatte. «In dry fällder oder zällgen, welche sonst zu Iren Hööffen vnd güttern eigenthumblich gehörent», heißt es in der Urkunde. Den Uebergang des Ackerlandes in pri-

vaten Besitz hat man sich wohl über ein jahrzehntelanges Gebrauchsrecht vorzustellen. Der Akt von 1606 bedeutet nichts anderes als die formelle obrigkeitliche Bestätigung dessen, was bereits praktisch seit langer Zeit bestand. Daß der Zwing Gettnau hierin nicht als Sonderfall betrachtet werden darf, geht aus folgender Stelle hervor: «... glych wie andere Ire benachpurte in gesagter vnnserer Graffschaft Willisow (denen wir söllcher glycher gſtalt bewilliget vnd zugelassen habent) Ire fällder vnnd zällgen auch ingeschlagen haben . . .»

Von der Zuteilung bestimmter Aecker oder Grundstücke wird nichts gesagt; diese wird bereits vorausgesetzt. Die Urkunde spricht nur von «dryen fälldern oder zällgen, so vngefarlich zwey hundert vnd zwäntzig Juchartten Landts hallten söllent». Dann werden die drei Felder gegen Willisau, Ettiswil und Briseck mit ihren Marchen erwähnt. Der Bestätigungsbrief spricht von «latern vnnd vsstrugklichen rächten vnnd gedingen, das erstlich si, die Twingsgenossen oder Puwrsamme ermällte Ire dry fällder oder zällgen, was Ir Ieder vff dem Einen, andren oder dritten fälld an acherlandt hett, söllent vnnd mögent Inschlachen vnnd da fürohin für sich vnnd Ire Eewige Nachkommen Ingeschlagen behallten vnnd alls ander Ir Eigenthumb Innhaben, nutzen, niessen, verkaufen, verthuschen, versetzen vnnd in all ander wäg damit vmgahlen, schallten, wallten, thun vnnd lassen als mit anderem Irm Eigenthumb von menigklichen ungesumt vnnd vngeirrt.»

Den so bedachten Zwingsgenossen wurde auch gestattet, ihre Einschläge «gägen einander ye nach eines Ieden glägenheit Land vmb Land söllent vnnd mögent verwächsslen vnnd abtuschen, aber mit dem luteren anbeding, das söllichs den daruff verschribnen Güllten vnnd zinsverschrybungen vnvergriffenlich vnnd vnschedlich syn sölle.»

Sehr bemerkenswert ist die dann folgende Bedingung, «das sy nit gwaltt haben söllent, solche Ire Inschläg zu wässern oder auch wasser daruff ze leiten in kein Wys noch Wäg, sy habent dann von vnnz zu vor vnnd harumb sonderbare bewilligung erlanget vnnd vssbracht». Der Grund, weshalb den Bauern das Wässern der erhaltenen Grundstücke nicht gestattet wurde, liegt wohl darin: Man wollte (unter dem Druck der Tauner) vermeiden, daß Ackerland in Mattland umgewandelt wurde. Dadurch wäre nämlich den Bauern die Möglichkeit gegeben gewesen, ihren Viehbestand zu vergrößern, was zum Nachteile der Tauner gewesen wäre.

Durch die Zueignung der drei Felder an die Zwingsgenossen wurden die Tauner empfindlich geschädigt. Diese hatten, wie die Bauern, ein Nutzungsrecht auf der gemeinen Weide. Dazu gehörte auch das Weiderecht auf den Stoppelfeldern und auf der Brachzelg. Wie auch aus andern Urkunden des Zwing Gettnau hervorgeht, wußten sich die Tauner energisch zu verteidigen, wenn es um die Schmälerung ihrer Rechte ging. Daß dies auch bei der Zueignung der Zelgen an die Bauern der Fall war, geht aus der Urkunde von 1606 hervor. Als Entschädigung für den Verlust

des Brachrechtes erhielt jeder Tauner ungefähr eine Jucharte Land von der Allmend, das er selber auswählen konnte. Die Namen der Tauner werden in der Urkunde angegeben, ebenso die Anstöße der zugeeigneten Grundstücke. Die Tauner erhielten ihre Grundstücke «einem ieden zu siner hushoffstatt» und zwar dort, wo die Haushofstatt lag. Aus diesem Passus der Urkunde wissen wir erstens, daß die Tauner bereits eigene Haushofstatten und etwas Land besaßen und zweitens, wo sich die Tauner angesiedelt hatten. Die Tauner-Heimwesen lagen am Kühberg (Bätgass), in der Kratzern und im Loch, ferner am Guggi, am Rande des Dorfes und im Moos gegen Alberswil.

Im Gegensatz zu den Zwingsgenossen, die über die erhaltenen Grundstücke auf den drei Feldern frei verfügen konnten, wurden den Taunern die Allmendstücke übergeben «mit dem luteren vnnd ustrugkentlichen geding vnnd vorbehallt, dass keiner gwaltt habe, das synig, was Im gegäben vnnd zugetheillt, onn die hushoffstatt, deren es zugeeignet worden, verkauffen, verthuschen, noch sonst anderer gestalt verendern sölle noch möge». Was ein Tauner als Allmendeinschlag bekommen hatte, durfte er nur «sammenthalft» mit seiner Haushofstatt verkaufen. In diesem Falle aber sollte er sein Twingrecht verwirkt haben.

So wie die Besitz- und Rechtsverhältnisse nach dem Ausstellen des Bestätigungsbriefes von 1606 waren, blieben sie dann im Wesentlichen bestehen bis zur Allmend- und Waldteilung von 1805, über die wir ebenfalls sehr gut Bescheid wissen. Die Urkunde von 1606 ist ein Markstein in der Siedlungs- und Rechtsgeschichte der Gemeinde Gettnau. Die Bedingungen sind so eindeutig und klar und die Abgrenzungen so scharf, daß der Bestätigungsbrief als Musterbeispiel eines Rechtsentscheides für eine alemanische Dorfsiedlung angesehen werden kann. Die Entwicklung dürfte in vielen unserer Nachbargemeinden nicht wesentlich anders verlaufen sein. Leider müssen wir immer wieder feststellen, daß in den meisten Gemeinden solche Urkunden fehlen. Aus diesem Grunde lassen wir hier den vollen Wortlaut des Bestätigungsbriefes von 1606 folgen.

Bestätigungsbrief

gemeinen Thwingsgenossen oder Pursamme zu Gätnow in der Graffschafft Willisow umb Ire Inschlag Irer dryen fällder oder zällgen daselbst glägen, gäben Anno 1606.

Wir der Schultheiss vnnd Rhat der Statt Lucern Thund kundt menigklichem mitt disem Brieff, das an hütt dato vor vnns in versamptem Rhat erschinen sind der Eersammen Erbaren vnnserer sonders lieben gethrüwen Vnterthanen gemeiner Thwingsgenossen oder Pursamme zu Gätnow in vnnser Graffschafft Willisow Erbare Abgesandte vnnd Verordnete, welche vnns demütig vnd vnderhänig fürbringen vnd zu erkennen gäben lassen, wie das sy Willens vnd Vorhabens (wover sy dessen by vns als der Hochen Oberkeit bewilligung erlangen vnd vssbringen möchten.) In dry fällder

oder zällgen, welche sonsten zuvor zu Iren Hööffnen vnd güettern eigen-thumblich gehörent, dann allein dass im Tagwern ze Brach glägen zu Inen daruff zu faren ghan Inzuschlachen, glich wie andere Ire benachpurte in gesagter unserer Graffschafft Willisow (denen wir söllches glycher gstallt bewilliget vnnd zugelassen habent) Ire fällder vnd zällgen auch ingeschlagen haben, damit also hierdurch sy vnnd ein Ieder das syn mit desto besserm nutz komlich vnd gelägenheit erbuwen, erbessern, nutzen vnnd niessen mögent. Welches dann Inen vnd Iren Nachkommen zu grossem Nutz auch sonderbar Wolffart gelangen, Dessglychen Zinss vnd zächenden nit allein nit schwechen, sondrn vil meer vffnen vnnd erbessern würde: Vnd damit nun söllich Ir Vorhaben desto lychtlicher in das Wärk gerichtet möchte wärden, da so habent sy vermögen vnnd erbätten die Edlen Eerenvesten fürnemmen vnnd wysen vnsere sonders gethrüwen Lieben Miträt Cristoffel Cloosen vnnsern ietzigen Landvogt der Graffschafft Willisow vnnd Niclausen Ratzenhofer, die vff Ir begären vnnd anhalten sich vff den augenschyn verfüegt vnnd nit allein besichtiget was vnnd wie vil Landts Ir Ieder Inzuschlachen willens vnnd vorhabens, sonders auch waas sy Iren Tawneren von wägen dess uff ermälltten Iren dryen fälldern haben Brachrächtens, dergägen von Irer Allmänd zu Iren huss hofstätten zu gäben vnnd Inzuschlachen angebotten. Vnnd hiemit gern vergonnen vnnd zulassen wollent, damit sy söllches Brachrächtens halb auch wiederumb ergentzt vnnd sich des orts nit zu beschwären oder billiches wys zu erklagen haben mögent.

Daruff vnns gantz demütig vnnd vnderthänig gebätten wir Ihnen söllichen Iren vorhabenden Inschlag, glich wie hievor gegen andern vnnssern Vnderthanen auch beschächen, gnädiglich vergonnen, bewilligen vnnd zulassen wollent, sidtenmalen Ires vech offens harumen nützid anders, dann was der billicheit gemäss finden würde vnnd danne sy von wägen dess Brachrächtens sich mit Iren Tawnern verglycht vnnd mit Inen überkommen, auch Innen dargägen uff Irer Allmänd einem Ieden Insonderheit Inzuschlachen gäben vnnd gezeigt habent, dessen sy Insonderheit mit Ihnen gantz wohl zufriden vnnd vergnügt syent, alls vnns umb diss alles . . . nannte vnnser Miträt genugsammen bericht wärdent thun vnnd gäben können. Sölliche gnaden vnnd gutthaten begärent sy vmb vnns, alls Ire Gnädige Herrn vnnd Obern in aller Vnderthänigkeit näben schuldiger Pflicht vnnd gehorsame Ieder zyt zu beschulden vnnd zu verdienen.

Vnnd so nun wir obgemällte den Vnnseren zu Gätnow abgesandte in söllichem Irem anbringen vnd begähren der länge nach angehört vnnd verstanden, Vnnd daruff von ob . . . vnnsere gethrüwen lieben Mittrhäten vnnd Amptslüten, so wie obgemällt vff den augenschyn vermögen vnnd erbätten auch denselbigen Ingenommen habent mündlich bericht vnnd Informiert worden, das disser der vnnsere vorhabdende Inschlag Ir alle gütter nutz vnnd wolffart vnnd das sich desselbigen billichen Wys niemandts fürnemmlich vnnd Insonderheit aber die Tawner nit zu beschwären

habent. Die wyl sy denselbigen von wägen des Brachrächtens, Einen jeden zu siner hushoffstatt von Ir gemeinen Allmänd nach gestalt der sachen vnnd Iren anerbieten gemäas ettlichen Ein Jucharten, ettlichen andert halbe Jucharten Landts, ettlichen weniger ye nach dem sich eines Jeden glägenheit gefüngt hatt Inzuschlachen gäben vnnd zeigt haben, dessen sy vil vergnügt vnnd zufrieden syn mögent, wie dann sy die Tawner durch Ire verordneten vff hütt dato von vnns auch bezügen vnnd fürbringen lassen, sy daran vergnüegen vnnd zufrieden sient glychergestalten auch umps Bewilligung derselbigen Iren Inschlägen angehallten vnnd gebätten . . . der nachpuren . . . sonst Iemand Inen daryn zuo hangen oder sy daran zue hindern begäre, oder auch desshalb einiche Klag sye, sonder sy die vnnsern eines sölichen Inschlags gar wolbefügt syent.

Da so haben wir vff sölich der vnnsern begähren vnnd anhallten auch sölichen vnns von meer . . . enannten vnnsern geträwen lieben Miträhten vnnd Amptslüten gethanen bericht beschaffenheit vnnd gestalltsamme aller sachen, Inen alls vnnsern geträwen lieben vnderthanen, dennen wir zu allen väterlichen gnaden vnnd wohlthaten in allen zimlichen vnnd billichen sachen, wie auch zu befürderung: . . . Irns nutzes vnnd wolffart, Insonderheit wolgeneigt, dises Irns pittlichen ansuchens vnnd begärengnädigklich gewillffaret, Vnnd Inen sölichen Iren vorhabenden Inschlag Nämlichen vnnd erstlichen Ir der Puwrsamme Irer dryen fälldern oder zällgen, so vngefarlich zwey hundert vnd zwäntig Juchartten Landts hallten söllent vnnd in nachfolgenden anstössen vnnd marchen begriffen sind.

Erstlich das fälld gägen Willisow eintheyll an das fälld gägen Ettiswyl, zum andern an Beat Stöcklins Horbermatten, zum dritten an Petern Stirnimans Ruossgrabenmatten vnnd zum vierten an hindern Egkbärg.

Demnach das fälld gägen Ettiswyl eintheill an vorbemällt fälld, zum andern an das Albersswyler moos, zum dritten an die Wannern, vnd zum vierten an das Zällgli, die Röttelen genannt.

Das dritte fälld, genannt das ober fälld gägen Brysecken eintheill an die landstrass gan Brysecken, zum andern an die Allmänd genannt Mülthalbärg vnnd zum dritten oben an der Dorff Gätnow.

Demnach den Tawnern was den sälbigen vnnd Iren Ieden besonder von der Allmänd zugeeignet vnnd gäben worden vnnd sich ungfahr dryzächen Juchartten anlaufft vnnd das auch harnach verzeichnet statt zu kräften erkennt vnnd bestättiget Vnnd thund das hiemit vss crafte vnnd recht vnser gabenden Oberkeit in Crafte diss Briefs.

Allso vnnd mit disen lutern vnnd vstrugklichen rächten vnnd gedingen, das erstlich sy die Twingsgenossen oder Puwrsamme ermällte Ire dry fällder oder zällgen was Ir Ieder vff dem Einen, andren oder dritten fälld an Acherlandt hett, söllent vnnd mögent Inschlächen vnnd da fürohin für sich vnnd Ire Eewige Nachkommen Ingeschlagen behalten vnnd alls ander Ir Eigenthumb Innhaben, nutzen, niessen, verkaufen, verthuschen, ver-

setzen vnnd in all ander wäg damit vmgahen, schallten, wallten, thun vnnd lassen alls mit anderm Irm Eigenthumb von menigklichen ungesumpt vnnd vngeirrt.

Wir haben auch Insonderheit Inen disere gnad vnnd bewilligung gethan das sy sölliche Ir Inschläg gägen einander ye nach eines Ieden glägenheit Land vmb land söllent vnnd mögent verwächsslen vnnd abtuschen, aber mit dem lутern anbeding, das söllichs den daruff verschribnen Güllten vnnd zinsverschrybungen vnvergriffenlich vnnd vnschädlich syn sölle. Vnnd da die Inhaber derselbigen Güllten vnnd Zinsverschrybungen nit entbären wolltent sy Inen ordentliche Bybrieff der verenderten oder abtuschenen stucken vnnd der ertuschenen Insatzung vnnd Verschrybung derselbigen vffrichten lassen söllent.

Vnnd hiemit wollent wir vnns auch harinnen luter vnnd vsstrugkenlich vorbehallten vnnd Inen anbedinget haben, das sy nit gewallt haben söllent, solche Ire Inschläg zu wässern oder auch wasser daruff ze leiten in kein Wys noch Wäg, sy habent dann von vnns zu vor vnnd harumb sonderbare bewilligung erlanget vnnd vssbracht.

So vil dann belangt das so den Tawnern von der Allmänd einem Ieden zu seiner hushoffstatt gäben vnnd zugetheilt worden, das söllent derselbigen ein jeder das synig auch Inschlachen, nutzen, nießen nach siner glägenheit willen vnnd gefallen. Iedoch mit dem luteren und vnnd vstrugkenlichen geding vnnd vorbehallt, das keiner gwallt haben das synig, was Im gegäben vnnd zugetheilt, onn die hushoffstatt, deren es zugeeignet worden, verkauffen, vertuschen noch sonst anderer gestallt verendern sölle noch möge, sonder das einer verkauffen sollte oder müsste die Husshoffstatt vnnd das Stuck, was Ime in dissen Inschlag zugetheilt, sammenthaft verkauffen. Hiemit aber vnnd in söllichem faal soll ein söllicher sin Thwingrecht verwürcket vnnd der der Pursamme nützit wyters zu zesuchen haben, dann vnsser endlich will vnnd meinung, dem von Inen den Tawnern geläbt vnnd nachkommen wärden sölle.

Follget nun verzeichnet, was einem Ieden Tawner vff selbs erfordern vnnd begären anstatt Iins gehepten Brachrächtens gäben vnnd zugetheilt auch zugeeignet worden.

Erstlich Klein Baschi Stauffer würt zugetheilt anderhalbe Juchartten, Ein Mättelin zu wingkeln glägen, stossst eintheill an das fälld gägen Ettiswyl, zum andern an das Albersswyler moos. — Demnach Ja . . . Stauffer ein matten im Mülithal an siner matt glägen, halltet ein Juchartten, stossst an die Allmänd. — Heinj Gränj ein Pündten am Bättwäg halltet auch ein Juchartten vnnd noch etwas wyters, dass er zu rütten. — Martin Pfister auch ein Pündten am Bättwäg . . . auch ein Juchartten, stossst eintheill an das fälld vnnd zum andern an die Allmänd. — Peter Brunner glychfalls ein Pündten am Bättwäg glägen, noch etwas Landts darzu, halltet auch ein Jucharten. — Item Josten Mäder auch ein Pündten am Bättwäg. — Josten Birrnnbaumer auch ein Juchartten Landt, stossst eintheill an Josten

Mäders weid, zum andern an das fälld. — Christoffel Wagnern ein Stuck Landts glychfalls auch ein Juchartten halltend, stossst eintheill an das fälld, zum andern an die Allmänd. — Peter Brämen ein Stuck Landts ein Juchartten halltend, stossst eintheill an Josten Birrenbaumers Stuck, zum andern an das fälld. — Mauritzten Polj ein mättlein, genannt die wermatten, halltend nit gar ein Jucharten, stossst eintheill an Peter Burken mattent, vnnd zum andern an die litteren. — Vlrichen Dorman ein mattent, genannt die Grummlethen, haltend auch nit gar ein Juchartten, stossst eintheill an das Lööfälde, zum andern an die Hochgassen. — Vlrichen vnnd Jacob Probsten gebrüdern ein Stuck Landts, ein Juchartten halltend, stossst eintheill an Joachim Stöcklins weid vnnd demnach zum andern an die Allmänd. — Caspar Thürler ein blätz, in der Kratzern genannt zu siner Pündten, stossst eintheill an die Lutteren vnnd zum andern an die Landstrass. — Hansen Thürler auch ein blätz in der Kratzeren genannt, halltet ein Juchartten, stossst eintheill an Melchior Studers Kratzernacher. — Hansen Widmer ein Stuck an seinem Baumgartten glägen, halltet ein Juchartten, stossst an Balthasar Wätterwaldts Baumgarten.

Vnnd ist dise ietzogemällte abtheilung beschächen in bysyn der Eersammen Eerbaren vnserer lieben, gethrüwen Balthasar Arreggers dess Raths vnnd Caspar Zubers, Burgers zu Willisow, dass ein jeder selbs obbeschrieben Stuck begärt vnnd dessen zufrieden gsin.

Hiervff nun auch von Inen den Twingsgenossen mit vns überkommen, vnnd vns was sich in sölichen fälen gebürrt ussgricht vnnd bezallt worden, dessen vns bemüeyth mit sölichen nach wyterer angehänckter erlütterung, das wir vns hiemit ustruckenlich vorbehallten vnnd vnnser hand offen haben wollent, . . . wover sy gemeinlich oder sonderlich sich diser vnnserer bewilligung missbruchen wurdent, allso das Klag follgen wurde, wir solche vnnserere bewilligung wol widerrüeffen oder harinnen nach dem die zytt vnnd notturfft ervordern, disponieren, handlen, thun vnnd lassen mögent nach dem vns für gutt ansächen würde. Geträwlich vnnd ungevärlig vnnd dass alles zu waarem Vrkund so haben wir disen brieff mitt vnnserem statt angehänktem Secret Insigil bewartt gäben lassen vff Montag vor Sant Iacobo dess heilligen Apostels tag als man von Christi Iesu vnnseres Lieben Herrn Heylandts vnnd Sälmachers gnadenrychen Geburt zallt Sächszächenhundert vnnd sächs Iar.